



Broj: 05-3826-4/18
Sarajevo, 09. 11. 2018. godine

Na osnovu člana 64. stav (1) tačke b) Zakona o javnim nabavama („Službeni glasnik BiH“, broj: 39/14, u nastavku: Zakon), člana 70. stavovi (1), (3) i (6) Zakona, člana 11. Pravilnika o postupku dodjele ugovora o uslugama iz Aneksa II. dio B Zakona („Službeni glasnik BiH“, broj: 66/16), člana 16. Statuta Agencije za bankarstvo Federacije BiH („Službene novine Federacije BiH“, broj: 3/18), a na preporuku Komisije za javnu nabavku iz Zapisnika o pregledu i ocijeni ponuda, broj: 05-3826-3/18 od 08. 11. 2018. godine, u postupku javne nabave usluga sistematskog zdravstvenog pregleda zaposlenika, direktor Agencije za bankarstvo Federacije BiH donosi

ODLUKU

o izboru najpovoljnijeg ponuđača u postupku nabavke usluga

Član 1.

Prihvata se preporuka komisije za javne nabavke iz Zapisnika o pregledu i ocijeni ponuda, broj: 05-3826-3/18 od 08. 11. 2018. godine i ugovor za javnu nabavu usluga sistematskog zdravstvenog pregleda zaposlenika Agencije dodjeljuje se ponuđaču PZU Poliklinika „MOJA KLINIKA“ Sarajevo.

Član 2.

Ukupna ponuđena cijena iz tačke I. ove odluke iznosi 45.000,00 KM bez uračunatog poreza na dodanu vrijedost (PDV). Cijena ponude ne uključuje PDV, s obzirom da je djelatnost zdravstvene zaštite oslobođena plaćanja PDV-a.

Član 3.

Ova odluka objavit će se na internetskoj stranici Agencije www.fba.ba, istovremeno s upućivanjem ponuditeljima koji su sudjelovali u postupku javne nabave, u skladu s odredbama člana 70. stav (6) Zakona i člana 71. stav (2) Zakona.

Član 4.

Za izvršenje ove odluke zadužuje se i ovlašćuje Sektor zajedničkih funkcija.

Član 5.

Ova odluka stupa na snagu danom donošenja.

O B R A Z L O Ž E N J E

Postupak javne nabavke predmetnih usluga pokrenut je Odlukom o pokretanju postupka javne nabavke usluga, broj: 05-3826/18 od 11. 10. 2018. godine.

Javna nabavka je sprovedena u skladu sa Pravilnikom o postupku dodjele ugovora o uslugama iz Aneksa II. dio B Zakona („Službeni glasnik BiH“, broj: 66/16, u nastavku: Pravilnik). Odredbama člana 7. stav (3) Pravilnika, ugovorni organ je pripremio i objavio Poziv za dostavu ponuda (u nastavku: Poziv) na svojoj internetskoj stranici, te isti uputio na tri adrese. Procijenjena vrijednost nabavke utvrđena je u iznosu od 48.000,00 KM – bez poreza na dodanu vrijednost (PDV).

U skladu s odlukom ugovornog organa imenovana je komisija za nabavke, kojom su definirane njene nadležnosti, koje uključuju poslove otvaranja, pregleda i ocjene ponuda, te davanja preporuke za odabir najpovoljnijeg ponuđača.

Slijedom navednog, komisija za nabavke je u okviru svojih nadležnosti i ovlaštenja provela predmetni postupak nabavke, te o tome sačinila Zapisnik o pregledu i ocjeni ponuda u kojem je utvrđeno da je po predmetnom postupku nabavke evidentirana 1 (jedna) pravovremeno pristigla ponuda, od strane ponuđača PZU Poliklinika „MOJA KLINIKA“ Sarajevo.

Na osnovu izvršene analize i ocjene pristigle ponude od strane navedenog ponuđača u pogledu kvalifikacijskih i cjenovnih uslova nadmetanja, komisija je utvrdila da ista ispunjava sve uslove i zahtjeve iz Poziva, te je ista ocijenjena kao prihvatljiva za ugovorni organ u predmetnom postupku nabavke.

Uvidom u priloženu dokumentaciju vidljivo je da je ponuda ponuđača PZU Poliklinika „MOJA KLINIKA“ Sarajevo ocijenjena kao prihvatljiva za ugovorni organ na osnovu zadanih kvalifikacijskih i cjenovnih uvjeta nadmetanja, pa je komisija za nabavke dala preporuku da se navedenom ponuđaču, saglasno članu 69. stav (1) tačka a) Zakona, dodijeli ugovor za javnu nabavu usluga sistematskog zdravstvenog pregleda.

Uvažavajući sve navedeno, primjenom člana 64. stav 1. tačka b), člana 70. stavovi 1., 3. i 6. Zakona o javnim nabavkama, člana 8. stav 2. tačka d) Pravilnika o uspostavljanju i radu Komisije za nabavke i člana 16. Statuta Agencije, odlučeno je kao u tački I. ove odluke.

POUKA O PRAVNOM LIJEKU:

Protiv ove odluke može se izjaviti žalba Ugovornom organu – Agenciji za bankarstvo Federacije BiH, u skladu s odredbama članova 99. i 101. Zakona o javnim nabavkama (“Službeni glasnik BiH” broj: 39/14).

Žalba se podnosi u pisanom obliku – u tri primjerka, u roku od 10 (deset) dana od dana obavijesti dobrovoljnog ex ante obavještenja o transparentnosti na Portalu javnih nabavki.



Dostaviti:

1. Ponuđaču u postupku: PZU Poliklinika „MOJA KLINIKA“ Sarajevo

